



Broj:
Sarajevo, 29.06.2021. godine

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM
n/r predsjedavajuće, gđa. Borjana Krišto

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 29-06-2021			
Organizaciona jedinica	Klasifikaciona oznaka	Redni broj	Broj priloga
01	50-1	15-22/21	

12²⁰

U skladu sa članom 167. Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 79/14, 81/15, 97/15, 78/19 i 26/20), postavljamo **Vijeću ministara Bosne i Hercegovine** sljedeće pitanje. Ovo pitanje smo postavili 31.03.2021. godine po članu 166 i 170 a kako ni do danas nismo dobili odgovor, postavljamo ga po ovom navedenom članu i očekujemo usmeni odgovor na sljedećoj sjednici

ПОСЛАНИЧКО ПИТАЊЕ

1. Kada ćete pokrenuti međunarodnu tužbu, odnosno postupak poništenja nezakonito i neustavno zaključenog "sporazuma" između Vlade Republike Hrvatske i Vlade Republike Srpske, koji je za posljedicu imao ilegalno postavljanje plinovodnih cijevi, dužine oko 450 metara, ispod rijeke Save, koja predstavlja međunarodno priznatu graničnu liniju između Bosne i Hercegovine i Republike Hrvatske?

Образложење

Prema članu III. stav (1) tačka a) Ustava BiH vanjsku politiku BiH vodi Predsjedništvo BiH, a prema članu III. stav (2) tačka d) Ustava BiH "svaki entitet može sklapati sporazume sa državama i međunarodnim organizacijama uz saglasnost Parlamentarne skupštine BiH". U konkretnom slučaju jedan entitet, koji nema međunarodnopravni subjektivitet zaključio je "sporazum" sa drugom državom Republikom Hrvatskom, i pri tome nije dobio saglasnost Parlamentarne skupštine BiH, niti Predsjedništva BiH koje je nadležno za vanjsku politiku Bosne i Hercegovine (procedura detaljnije propisana Zakonom o postupku zaključivanja i izvršavanja međunarodnih ugovora BiH). To znači da je **navedeni sporazum neustavan i s tim u vezi pravno ništav i ne može proizvoditi nikakve pravne posljedice**. Nadalje, član 6. Bečke konvencije o pravu međunarodnih ugovora propisuje da „svaka država ima sposobnost da zaključuje ugovore“, čime je Republika Hrvatska morala biti svjesna nepostojanja

međunarodnog subjektiviteta entiteta Republike Srpske za sklapanje ovakvog pravnog posla. Zbog toga postoji apsolutni pravni osnov da Bosna i Hercegovina tuži Republiku Hrvatsku pred međunarodnim sudovima zbog nepoštivanja međunarodnog prava i kršenja teritorijalnog integriteta i suvereniteta države Bosne i Hercegovine.

S poštovanjem,

ZA KLUB SDA

Adil Osmanović, predsjednik Kluba

